



gazeTi gamodis  
1931 wl is 5 ianvridan

# კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება  
ფასი 20 თეთრი

## მუნიციპალიტეტმა შექირავებულ ოჯახებს საცხოვრებელი სახლები შეუძინა

მარი კოპოვი



**პროგრამის განხორციელება, რომლის ფარგლებშიც უსახლკარო, შექირავებული ოჯახების დახმარებაა გათვალისწინებული, ოჯახების მუნიციპალიტეტმა უკვე დაიწყო. პირველ მთავარმა მათ საცხოვრებელი სახლი სოფ. მთისპირში მცხოვრებ, მშვიდობიან დასახლებაში უშუალოდ და მშენებლის ხელშეწყობით შეუძინა.** ამის შესახებ ურბანისტიკის ადგილობრივი ხელისუფლების წარმომადგენლებმა 5 ივლისს გამართულ პრეზენტაციაზე განუცხადეს.

გურიის გუბერნატორი ვალერი ჩიტაიშვილი, ოჯახების მუნიციპალიტეტის საკრებულოს თავმჯდომარე ალექო მამუშელი და გამგებელი ვია ტაკიძე აღნიშნულ ოჯახებს ესტუმრნენ და ახალ-მოსახლეობა პირადად მიულოცეს.

ახალშენებელ სახლებში, ახალ მუშაობის შემდეგ მათ ხელისუფლების წარმომადგენლები აცხადებდნენ, რომ უსახლკარო ოჯახების დახმარება და საცხოვრებელი ფართებით დაკმაყოფილება მომავალშიც გაგრძელდება.

**გალერია ჩიტაიშვილი:** — ოჯახების მუნიციპალიტეტი სხვადასხვა სოციალურ პროექტებს ახორციელებს. ერთ-ერთი უსახლკარო ოჯახებისათვის სახლების შექმნას გულისხმობს. ამჯერადაც ორ მრავალსულიან ოჯახს შევუძინეთ სახლი. მნიშვნელოვანია, რომ მათ აღარ აქვთ არც უსახლკარობის პრობლემა და თან აქვთ მიწის ნაკვეთები, რომელზეც შეუძლიათ მოსავლის მოყვანა. ჩვენთვის მთავარი იყო იმ ოჯახებს დავხმარებოდით, რომლებიც მრავალსულიანები არიან და სხვა ალტერნატიული

საცხოვრებელი ფართი არ გააჩნიათ. მომავალშიც გავაგრძელებთ პროექტის განხორციელებას და პრიორიტეტი კვლავ ყველაზე მეტად შეჭირვებულ ოჯახებს მიენიჭებათ.

**ალექო მამუშელი:** — ჩვენს მუნიციპალიტეტში ბევრია ოჯახი, რომელსაც სტიქიური უბედურების თუ სხვა მიზეზების გამო საცხოვრებელი ფართი არ აქვთ და რთულ მდგომარეობაში არიან. ამიტომ დახმარებაზე მოთხოვნა ძალიან დიდია. მსურველებისაგან შერჩევა სხვადასხვა კრიტერიუმების მიხედვით მოხდა. უპირატესობა მიენიჭათ სოციალურად დაუცველ, მრავალსულიან და ისეთ ოჯახებს, რომელთაც ალტერნატიული საცხოვრებელი ფართი არ გააჩნიათ.

**ბია ტაკიძე:** — შექმნილია სპეციალური კომისია, რომელიც სწავლობს უსახლკარო ოჯახების მდგომარეობას. სამწუხაროდ, ჩვენს მუნიციპალიტეტში ასეთი ოჯახი ბევრია, ზოგიერთ მათგანს, სანამ საბოლოოდ გადაწყვეტთ პრობლემას, ბინის ქირას ვუხდით. ამ ეტაპზე მოვანერხეთ ორი სახლის შექმნა მთისპირში და გურიანთაში. კომისია აგრძელებს მუშაობას, თანხები ჯერ კიდევ გვაქვს, რომ ამ წელში რამდენიმე სახლი შევიძინოთ.

რაც შეეხება სახლების შექმნის გადაწყვეტილებას, გასული წლების პრაქტიკამ გვაჩვენა, რომ ფულადი დახმარებების გადაცემა არ გაამართლა. ბოლო 3-4 წლის მანძილზე ორმოცდაათ ოჯახს გადავცეთ სხვადასხვა რაოდენობის თანხა 500-დან 5000 ლარამდე, მაგრამ ვერ იქნა მიზანმიმართულად გამოყენებული. ფული სხვა მიზეზებისათვის დახარჯეს. ამიტომ საკრებულოსთან ერთად მივიღეთ ასეთი გადაწყვეტილება, თუ ვეხმარებით, დავეხმაროთ ბოლომდე. შეიძლება ამაში მეტი თანხა დაიხარჯოს, მაგრამ საბოლოოდ გადაწყდება პრობლემა.



გვ-2

## გუბერნატორმა ურბანში მიმდინარე ინფრასტრუქტურული სამუშაოები დაათვალიერა

გურიის გუბერნატორმა ვალერი ჩიტაიშვილმა სპეციალურ თათბირზე გურიის სამივე მუნიციპალიტეტის გამგებელს დაგვარებები მისცა და სამუშაოების მიმდინარეობის შემოწმებას დააირადა. რამდენიმე დღეში მან დანაპირები შეასრულა და დაბა ურეკში მიმდინარე ინფრასტრუქტურული სამუშაოები შემოწმა



გვ-2

ოჯახების მუნიციპალიტეტის საკრებულოს ფრაქცია „უმრავლესობა“ და ნაციონალური მოძრაობის ოჯახების რაიონული ორგანიზაცია პროტესტს გამართეს 6 ივლისს, ოჯახების მუნიციპალიტეტის საკრებულოს სხდომაზე „თავისუფალი დემოკრატების“ ერთ-ერთი ხელმძღვანელის, გოჩა ჩხაიძის არაპრობლემური, ამასთანავე „უკანონო ქმედებაზე“ და მომხდარს მისი მხრიდან საკრებულოს სხდომის ჩაშლის მცდელობის კვალიშეგვრის აძლევს.

„ჩვენ დეტალურად არ შევუდგებით იმ ბილწისფერობებს და უხამსი გამოთქმების მოხმობას (რაც ალბათ, ყოველდღიური ლექსიკური მარაგია ზემოთ ნახსენები დეპუტატი ე.წ. პოლიტიკოსისათვის), „თავისუფალი დემოკრატების“ ერთ-ერთი ადგილობრივი ლიდერის, გოჩა ჩხაიძის მხრიდან მმართველი პარტიის, ჩვენი ქვეყნის ცენტრალური ხელისუფლებისა და თითოეული ჩვენგანის მიმართ სხდომაზე რომ გაისმა, რადგან ნამდვილად გავიჭირდება ბატონ გოჩა ჩხაიძის, როგორც პოლიტიკოსის სერიოზულად მიღება. ვეჭვობთ, დღესდღეობით სხვა ვინმეც აღიქვამდეს მას ან მის შეფასებებს სერიოზულად, მაგრამ აუცილებლად მიგვაჩნია, კორექტულობისა და ზნეობის საკენს მოვეწოდეთ იმ პარტიას, რომლის სახელითაც ეს ადამიანი საუბრობს. იმედს გამოვთქვამთ, რომ პარტია „თავისუფალი დემოკრატები“ სათანადოდ შეაფასებს და ადეკვატური იქნება მომხდარის მიმართ.

ჩვენ კი, ჩვენის მხრივ, კიდევ ერთხელ დავაფიქსირებთ, რომ ვრჩებით ნებისმიერი პარტიული პოზიციისა და ხედვის მიმართ ლიბერალური, ასევე, პარტიული კუთვნილების განურჩევლად, ელემენტარული ადამიანური ეთიკისა და ზნეობის პატივისცემელი, რაც ამავდროულად გვაძლავს ვურჩიოთ „თავისუფალი დემოკრატებს“, მეტი გულსიყვრით გადახედონ ოჯახებში პარტიის სიით შემადგენლობას, ვეგებ მასში არა მარტო „რაიონის მამოძრავებელი“ სახელით ცნობილი ძველი ჩინონები და საქმონები, არამედ წარსულში კრიმინალური ბანდების წევრი „ავტორიტეტებიც“ აღმოჩნდნენ. „თავისუფალი დემოკრატებისთვის“ მიუღებელი უნდა იყოს ისეთი ხალხის რეაბილიტაცია და პოლიტიკურ ფიგურებად ქცევის სურვილი, რომლებიც წლების მანძილზე საფრთხეს უქმნიდნენ საზოგადოებრივ წესრიგსა და მის უსაფრთხოებას. ასეთებისთვის გზის გახსნა და საზოგადოებრივ სარბიელზე გამოყვანის ყოველგვარი ცდა არანაკლები საფრთხის შემცველი იქნება დღესაც და მომავალშიც, და რაც მთავარია, თავშივე მარცხისთვისაა განწირული. შესაბამისად, პარტიისათვის, რომელიც საკუთარ „დემოკრატიულ იმიჯს“, როგორც თვითონ აღნიშნავს ხოლმე, განსაკუთრებით უფრთხილდება, კრიმინალების ლეგიტიმაცია შესაძლოა დამანგრეველი აღმოჩნდეს.

გვერწმუნეთ, ასეთებს ერისკაცებისა და ხალხისთვის წამებული რაინდების მანტიას არაფერ მოახსმევინებს, რადგან ხალხს მოკლე მენსიერება არ აქვს და მწარედ ახსოვს ხელისუფლების კრიმინალიზაციის შედეგები. ჩვენი საზოგადოების განვითარების დონე იმის თქმის საშუალებას გვაძლევს, რომ დღეს არსებული პრობლემებისადმი ადამიანების მგრძობილებობა მავანთა ხელში პოლიტიკური ქულების დაგროვების ცინიკურ იარაღად არასდროს იქცევა.

**ოჯახების მუნიციპალიტეტის საკრებულოს ფრაქცია „უმრავლესობა ერთიანი ნაციონალური მოძრაობა“ და ერთიანი ნაციონალური მოძრაობის ოჯახების რაიონული ორგანიზაცია.**



## სხდომა ხმაურიანი გამოდგა საკრებულოს ერთი ფული შეუსრულდა

გასული კვირის ოთხშაბათს, ოჯახების საკრებულოს რიგით მე-20 სხდომაზე რომელიც წინა სხდომებთან შედარებით ხმაურიანი გამოდგა, „თავისუფალი დემოკრატების“ ოჯახების ორგანიზაციის თავმჯდომარე თემურ სალუქვაძემ ბოლო დღეებში რელიგიური კონფესიებისადმი სტატუსის მინიჭებასთან დაკავშირებით, საქართველოს პარტიარქის განცხადება შეასწავლა საზოგადოებას და საკრებულოს პოზიციის დაფიქსირებისაკენ მოუწოდა



გვ-2



# სსლმას ხმაურიანი გამოცდა

## საპრობულოს მართი წილი უმუხრულდა

### მარი კოპოიძე

„საკითხის ირგვლივ არის ძალიან ბევრი დეტალი, რომელიც განსჯადია, შესაბამისი რეგულაციები არის საპრობულოსთან, ასევე ხელისუფლებასთან. ამიტომაც გააკეთა საპრობულო არქონი განცხადება, რომ საკითხი მოუხრულდება, საჭიროა სპეციალური კომისიის ჩამოყალიბება. — განაცხადა თემურ სალუქვაძემ. მან კოლეგებს თხოვა დაეფიქსირებინათ საკუთარი პოზიცია ამ კანონთან დაკავშირებით, თუმცა დეპუტატებმა იმ მოტივით, რომ არაფერი სმენიათ ადრინდელი კანონის შესახებ, საკუთარი მოსაზრებების დაფიქსირების ან თავი შეიკავეს. მუნიციპალიტეტის ხელმძღვანელებმა „თავისუფალი დემოკრატების“ ადგილობრივ ლიდერს მსგავსი განცხადებების გაკეთებისაგან თავი შეიკავა ურჩიეს.



თემურ სალუქვაძის განცხადების შემდეგ დღის წესრიგით გათვალისწინებული საკითხების განხილვა დაიწყო. მუნიციპალიტეტის გამგებელმა და საკრებულოს თავმჯდომარემ დეპუტატებს, დამსწრე საზოგადოებას გასული ერთი წლის ანგარიში წარმოუდგინეს.

საკითხების განხილვას სიტყვიერი დაპირისპირება მოჰყვა „თავისუფალი დემოკრატების“ გამგებლის წევრ გიორგი ჩხაიძესა და მუნიციპალიტეტის ხელმძღვანელებს შორის. ვაგ ტაკიძემ ბუფეტზე, სოფლის განვითარების პროგრამაზე და გამგებლის სამსახურების მიერ გაწეული მუშაობის შედეგებზე ისაუბრა. ალექსი მამუშელამ კი საკრებულოს სამართლებრივ და ორგანიზაციულ საკითხებზე, საერთაშორისო ურთიერთობებზე და საზოგადოებასთან

თანამშრომლობაზე გაამახვილა ყურადღება. საკრებულოს თავმჯდომარემ წარმატებულად შეაფასა აიპ-ების საქმიანობა და საზოგადოებრივი დარბაზის მუშაობის შედეგები.

— ყველაზე მნიშვნელოვანია, ადამიანებს ჰქონდეთ განცდა, რომ მათ მიერ მოწოდებული წინადადებები და მოსაზრებები იქნება გათვალისწინებული. დიდ მნიშვნელობას ვანიჭებთ საზოგადოების აქტიურ ჩართულობას გადაწყვეტილების მიღების პროცესში“ — თქვა მამუშელმა.

სწორედ ანგარიშის წარდგინის დროს დარბაზში მყოფმა ოპოზიციონერმა დეპუტატმა ლელა ნაცვალაძემ საკრებულოს და გამგებანს მუშაობა დაუწუნა. მათ მიერ ჩატარებულ სამუშაოებს ფასადური უწოდა.

— „ადგილობრივი ხელისუფლება არასდროს არ ითვალისწინებს ოპოზიციურად განწყობილი დეპუტატების დაყენებულ არცერთ საკითხს, ეს იქნება ბუფეტთან თუ სხვა საკითხებთან დაკავშირებით. მაგალითად, როცა ვთქვი, რომ ამა თუ იმ ორგანიზაციას გამოყოფილი თანხა დიდი ოდენობით არ ესაჭიროება, გაუორმაგეს თანხა“ — გვითხრა მან.

# მუნიციპალიტეტმა უმჯობესო ოჯახებს საცხოვრებელი სახლები უშუქინა



როგორც მუნიციპალიტეტის სოციალურ სამსახურში ამბობენ, დახმარების მსურველი ოჯახებიდან აღნიშნული ორის დაკმაყოფილება რამდენიმე კრიტერიუმის გათვალისწინებით მოხდა. პრიორიტეტი მიენიჭა სოციალურად დაუცველ, მრავალსულიან და ალტერნატიული საცხოვრებელი ფართის უქონელ ოჯახს.

შუშანა შავაძის მრავალსულიანი ოჯახი გურიაში 22 წლის წინ ხულოდან ჩამოვიდა, მას აქაური საცხოვრებელი სახლი მეწყერმა დაუზღვრა.

— „13 ადამიანი ღია ცის ქვეშ ვიყავით დარჩენილები, 7 შვილი და 18 შვილიშვილი მყავს, პატარა შვილიშვილი ორი თვისაა, მალე კიდევ ერთ შვილიშვილს ველოდებით, — გვითხრა შუშანა შავაძემ. მას

საცხოვრებელი სახლი ძველი, დანგრეული სახლის მეზობლად შეუქმინეს, რომელსაც 1 ჰექტარი მიწის ფართობი აქვს.

რაც შეეხება ვლადიმერ საინიშვილს, მას სახლი სოფ. გურიაში შეუქმინეს 0.5 ჰა მიწის ნაკვეთით. ხელისუფლებამ შავაძეების სახლი 5000-ად, ხოლო საინიშვილების 12 000 ლარად შეუქმინა.

ცნობისათვის: ოზურგეთის მუნიციპალიტეტის გამგებანაში შექმნილია უსახლკარო შეჭირვებულ ოჯახთა ერთიანი ბაზა. მუნიციპალიტეტის ბიუჯეტში მათზე დახმარების პროგრამით გათვალისწინებულია 50000 ლარი. აღნიშნული პროგრამა გრძელდება და წლის ბოლომდე კიდევ რამდენიმე ოჯახი დაკმაყოფილდება ეტაპობრივად.

# „თავისუფალი დემოკრატები“ თემურ სალუქვაძის განცხადება:

პირველ რიგში, მინდა დავადასტურო ჩვენი, „თავისუფალი დემოკრატების“ ღრმა პატივისცემა ყველა ტრადიციული კონფესიის მიმართ.

ბოლო დღეებში განვითარებული მოვლენები, რომელიც ეხება კონფესიებისადმი სტატუსის მინიჭების საკითხს, ცხადყოფს, რომ არსებული ხელისუფლება, „ნაციონალური მოძრაობა“, თავისი ქმედებით ავლენს არაქართულ, არასახელმწიფოებრივ ხასიათს.

უგულებელყოფილია საქართველოს ეკლესიის, კათოლიკოს პატრიარქის წინადადება. პარლამენტმა ერთპიროვნულად მიიღო გადაწყვეტილება. ცალსახად შეიძლება ითქვას, რომ ეს გადაწყვეტილება არ ემსახურება, როგორც საქართველოს დედა ეკლესიის, ასევე სახელმწიფოებრივ სიმტკიცეს. ასეთი მნიშვნელოვანი გადაწყვეტილებების მიღება, დაუშვებელია საქართველოს საპატრიარქოსა და საზოგადოებასთან შეთანხმების გარეშე.

ჩვენ, ყველანი მომსწრენი ვართ ხელისუფლების მიერ განხორციელებული არაერთი არასწორი ქმედებისა, რომელიც ეწინააღმდეგება დემოკრატიულ პრინციპებს, მაგრამ ეს ქმედება განსაკუთრებულია თავისი მნიშვნელობით.

მე, როგორც საკრებულოს დეპუტატი „თავისუფალი დემოკრატების“ სახელით გამოვთქვამ პროტესტს და ვუერთდები საპატრიარქოს მოთხოვნას. მოგიწოდებთ, რომ საკრებულომ დააფიქსიროს თავისი პოზიცია აღნიშნულ საკითხთან დაკავშირებით. ასევე მივმართავ ეგრეთ წოდებულ „ნაციონალურ მოძრაობას“, მის წევრებსა თუ მხარდამჭერებს, გააკეთონ ანალიზი, გამოიტანონ შესაბამისი დასკვნები და მიხვდნენ, თუ რას ემსახურებიან.

აღრე თუ გვიან ყველამ თვალი უნდა გაუსწოროს სიმართლეს და მიიღოს შესაბამისი გადაწყვეტილება.

# გუბერნატორმა ურეში მიმდინარე ინფრასტრუქტურული სამუშაოები დაათვალიერა

### მარი კოპოიძე

გურიის გუბერნატორი მხარის საზღვაო კურორტს პარლამენტის დეპუტატ გიორგი შანიძესთან, ოზურგეთის მუნიციპალიტეტის ხელმძღვანელებთან და ჟურნალისტებთან ერთად ესტუმრა.

მათ ინფრასტრუქტურული სამუშაოების მიმდინარეობა ზღვაზე გასასვლელის მონახულებით დაიწყო. ეს სამუშაოები რამდენიმე დღეში დასრულდება, იგი მთლიანად ფილაქნით მოიფინება და 58 მ. სიგრძისა და 11 მ. სიგანის იქნება. სამუშაოებს ტენდერში გამარჯვებული შპს „კონცეპტი“ ასრულებს.



ხელისუფლების წარმომადგენლებმა კურორტის ცენტრალური გზის ის ნაწილი დაათვალიერეს, რომელიც ავარიული იყო და სულ ცოტა ხნის წინ ასფალტის საფარით დაიფარა. როგორც გვითხრეს, გზის დანარჩენი ნაწილის მოასფალტება მომავალ წლამდე გადაიდგება, რადგან მანამდე უნდა მოწესრიგდეს წყლისა და კანალიზაციის გაყვანილობები.

განათებები, სულ მალე კი ტურიზმის საინფორმაციო ცენტრის სამშენებლო სამუშაოები დაიწყება, რომელსაც ტურიზმის დეპარტამენტთან ერთად ვახორციელებთ. ასევე მიმდინარეობს შეღობვითი და არსების გაწმენდის სამუშაოები — აღნიშნა ჟურნალისტებთან ვაგ ტაკიძემ.

გუბერნატორი პლაჟზე არსებული მდგომარეობითაც დაინტერესდა. როგორც მას უთხრეს, სანაპიროს ოზურგეთის დასუფთავების სამსახური ორი ერთეული ტექნიკით ინტენსიურად მუშაობს. ცოტა ხანში კი დამატებითი მუშაების ჩაყვანა იგეგმება. სანაპიროზე მობილიზებულია სამშენებლო სამსახური, სულ 14 მშენებელი.

ურეკის დათვალიერების შემდეგ ადგილობრივი ხელისუფლების წარმომადგენლები დაბა ლაითურს ესტუმრნენ. ლაითური ერთ-ერთი ტერიტორიული ორგანიზაცია, სადაც სოფლის მხარდამჭერის პროგრამის პირველი ნაწილი უკვე განხორციელდა. პროგრამის ფარგლებში სარიტუალო დარბაზი გარემონტდა.

— ჯერ არ არის სამუშაოები ბოლომდე დამთავრებული. სანამ დამთავრდება, კიდევ რამდენჯერმე მოინახულებ აქაურებს. პირველი შედეგებით კმაყოფილი ვარ — გვითხრა ჩიკატიშვილმა.

ლაითურში პროგრამის მეორე ნაწილი სასაფლაოს შეღობვას, სტადიონისა და მოსაცდელის გაკეთებას ითვალისწინებს.

— რა დავალებებიც მივიღეთ გუბერნატორისაგან, ზაფხულის სეზონთან დაკავშირებით, ნელ-ნელა ვასრულებთ. შევაკეთებ შიდა მნიშვნელობის გზა კაპიტალურად, ნაწილობრივ ორმულად. პარალელურად მიდის მოხრეშვითი სამუშაოები, კეთდება

ხელისუფლებასთან შეხვედრისას ლაითურებმა ყველაზე მწვავედ წყლის საკითხი დააყენეს, მაგრამ უწყობის პრობლემის მოგვარება დიდ თანხებთანაა დაკავშირებული და სოფლის მხარდამჭერის პროგრამით გამოყოფილი თანხა საკმარისი არ აღმოჩნდა. აღინიშნა ისიც, რომ ლაითურში ქალაქთან დამაკავშირებელი ტრანსპორტის პრობლემაც მწვავედ დგას.

# სსლმას ოზურგეთისა და რიხაბაურის ბიუჯეტებს განიხილავს

გასული კვირის პარასკევს, საქართველოს დემოკრატიული კავშირში ოზურგეთისა და რიხაბაურის მუნიციპალიტეტების 20-10-2011 წლების საქმიანობა შეაფასეს. შეხვედრაზე საკრებულოების საქმიანობის გამჭვირვალობის ხარისხი და ბიუჯეტი განიხილეს.

დემოკრატიული კავშირის წევრის ირაკლი პაპავას თქმით, დადებითი წესით არ ხდება საზოგადოების ინფორმირებულობა საკრებულოს სხდომის, ნორმატიული აქტების და საზოგადოებრივი დარბაზის ფუნქციონირების შესახებ.

კავშირის თავმჯდომარე ლევან ხინთიბიძემ დაწვრილებით ისაუბრა იმ დეტალებზე, რაზეც ორგანიზაციის წევრებს ხელისუფლების წარმომადგენლებისაგან განსხვავებული პოზიცია აქვთ. მათ მიერ მოძიებულ ინფორმაციაში ჩანს, რომ ჩვენს მუნიციპალიტეტში შტატგარეშე თანამშრომელთა რაოდენობა იმაზე ბევრად მეტია, რაც კანონით არის დაშვებული. ისაუბრა ასევე იმ თანხების რაოდენობაზეც, რაც გამოყოფილია ტრანსპორტის და საკანცელარიო ხარჯებზე, ასევე ხელფასების და პრემიების დასაფარად, თურმე ჩვენს მუნიციპალიტეტში შტატგარეშე თანამშრომლის საშუალო ხელფასი შეიძლება ადემატებოდეს შტატით მომუშავე საშუალო ხელფასს. რაც წესით დაუშვებელია.

ამ და სხვა საკითხების დეტალურად განხილვის შემდეგ დემოკრატიულ კავშირში გვითხრეს, რომ მონიტორინგს აღნიშნული კუთხით კვლავაც გააგრძელებენ და შედეგებს მასშტაბურად გააცნობენ.

# რა ღონისძიებები ტარდება ამერიკული თეთრი კეპლას წინააღმდეგ?



ოზურგეთის მუნიციპალიტეტის ტერიტორიაზე თვალში საცემია ამერიკული თეთრი პეპლების მომრავლება. „სასწრაფო ზომებია მისაღები, თორემ პეპლები გაანადგურებს მცენარეებს“ — ამბობენ ოზურგეთში.

აღნიშნული საკითხის ირგვლივ სურსათის ეროვნული სააგენტოს გურიის რეგიონული სამმართველოს სპეციალისტს ლალი გოგუაძეს მივმართეთ, რომლის ინფორმაციით, მცირე მასშტაბების სამუშაოები ამ მიმართულებით უკვე დაწყებულია, რაც „ტიფას“ ტიპის შესაწამლი დანადგარებით ხორციელდება. მომდევნო დღეებში სამუშაოების მასშტაბები გაფართოვდება. მუნიციპალიტეტის საკრებულოს ფინანსური დახმარებით მათ ექნებათ სოლო აპარატები, რომლის საშუალებითაც მოიცავენ არამართო ქალაქს, არამედ სოფლებსაც.

# ცესკოს თავმჯდომარე გურაბ ხარატიშვილი ოგურბეთში

ნუზხარ ასათიანი



ბოლო ოცი წელია საქართველოში ყველაზე მნიშვნელოვანი არჩევნების თემა და საზოგადოებაში საარჩევნო გარემოს გაუმჯობესებაა. არჩევნების გაყვალბება იყო მთავარი მოტივი, რასაც „ვარდების რევოლუცია“ მოჰყვა, თუმცა საარჩევნო პრობლემები კვლავ აქტუალურია.

გასულ ხუთშაბათს, ოზურგეთში ცესკოს თავმჯდომარე გურაბ ხარატიშვილი ჩამოვიდა და მუნიციპალიტეტის საკრებულოს დარბაზში პოლიტიკური პარტიების წარმომადგენლებს, არასამთავრობო ორგანიზაციებს და ჟურნალისტებს შეხვდა.

ზურაბ ხარატიშვილმა განსაკუთრებით აღნიშნა, რომ მომავალი არჩევნებისას, რეგიონებში განსაკუთრებულ მნიშვნელობას ანიჭებს რეგიონალური მედიის ჩართულობას და ცესკო მჭიდროდ თანამშრომლობს მათთან.

— გინდა გვაგანოთ, რა გეგმები გვაქვს, მოვისმინოთ თქვენი შენიშვნები, რომ მომდევნო არჩევნები (მან 2012, 2013, 2014 წლების არჩევნებს „კასკადი“ უწოდა) უკეთესად ჩატარდეს. ამ


არჩევნებმა უნდა დაინახოს დასავლეთის, არის თუ არა შემდგარი სახელმწიფო—თქვა ზურაბ ხარატიშვილმა.

ცესკო თვლის, რომ შეიქმნას საარჩევნო რესურსცენტრები რეგიონებში, სადაც იქნება შეხვედრის ადგილები, რათა ამომრჩევლები უფრო კარგად იცნობდნენ საარჩევნო სიასს, გაიმატოს შეხვედრები, ტრენინგები; უნდა შეიქმნას აქტიური ამომრჩევლების ქსელი და ა.შ. ცესკო არასამთავრობო ორგანიზაციების მეტად ჩართვას საარჩევნო პროცესში საგრანტო კონკურსის გააქტიურებით გეგმავს.

სახელმწიფოსა და ოპოზიციას შორის მიღწეულ შეთანხმებასთან დაკავშირებით (როგორც იცით ოპოზიციური „რეინისაგან“ შეთანხმებას მხოლოდ ქრისტიან-დემოკრატებმა და ახალმა მემარჯვენეებმა მოაწერეს ხელი) ზურაბ ხარატიშვილმა განაცხადა, რომ შეთანხმებას უკვე 9 პარტიამ მოაწერა ხელი, სადაც წინა არჩევნებისას ეუთოს 35 რეკომენდაციიდან მნიშვნელოვანი საკითხებია გათვალისწინებული. რაც შეეხება ოპოზიციური „რეინის“ დარჩენილ „ექსტრემულს“, ისინი არჩევნებისას 3700 უბანზე ბიომეტრულ ანაბეჭდებს ითხოვდნენ, რაც ძალიან რთულია და არც ეუთოს რეკომენდაციის 35 ჩამონათვალი არ იყო გათვალისწინებული. პარტიას უნდა ჰქონდეს შიშო, რომ ერთგული ადამიანი ევდეს უბანზე და რომ გაძლიერდნენ სასურველი პარტიების რაოდენობა შეძირდეს.

შეხვედრაზე სხვა თემებზეც იყო საუბარი. მათგან ერთ-ერთი ის იყო რომ საილქო-სარჩევნო კომისიის ოფისი დატოვებს ოზურგეთის „თეთრი სახლის“ შენობას და არააღმინისტრაციულ შენობაში დაიდებს ბინას.

# ველიოცავთ! შალვა შავიშვილი 90 წლისაა



ზნეკეთილობის, კაცურკაცობის, პატიოსნების და განსაკუთრებული გულისხმიერების, რის გამოც, სიყვარულით მას „უღუღი“ უწოდა ხალხმა.

ბატონო შალვა!

გილოცავთ დაბადების დღეს და საუკეთესო სურვილებით ვუერთდებით თქვენს საიუბილეო განწყობას.

დიდი ხნის სიცოცხლეს, ჯანის სიმრთელეს, სულის სიმტკიცეს და უამრავ სიხარულს გისურვებთ თქვენს ღამაზე ოჯახთან ერთად. მუდამ გახსოვდეთ, რომ თქვენი ცოდნითა და გამოცდილებით კვლავაც დიდხანს სჭირდებით საზოგადოებას!

მადლიერების გრძობით,  
დიდი სიყვარულით და უღრმესი პატივისცემით  
**ოზურგეთის საზოგადოებრივი ჯანდაცვის ცენტრის კოლმედიკი**

ღირსეული ადამიანი, დიდი კაცი - ამ სიტყვის პირდაპირი მნიშვნელობით, მაღალი პროფესიონალიზმით, ცნობილი ექიმი და ყველასათვის საყვარელი პიროვნება - ბ-ნი შალვა შავიშვილი იუბილარია!

12 ივლისს, პეტრე-პავლობას, 90 წელი უსრულდება ადამიანს, რომლის ცხოვრება და მის მიერ გაკეთებული გზა ნათელი მაგალითია

# დანის ლტოლვილთა საბჭოს წარმომადგენლები ოგურბეთს სტუმრობენ

მარი კოპოვი

დანის ლტოლვილთა საბჭოს გამოცხადებული აქვს კონკურსი მცირე და საშუალო ბიზნისის გრანტების მოსაპოვებლად დასავლეთ საქართველოს რამდენიმე რეგიონში, მათ შორის გურიაში. სწორედ გრანტის მიღების მსურველებთან შეხვედრა იყო მათი სტუმრობის მიზანი ჩვენს მუნიციპალიტეტში. სტუმრებმა დაინტერესებულ პირებს პროექტის არსი, მიზანი, პირობები გააცნეს და მათ მიერ დასმულ შეკითხვებს უპასუხეს. როგორც სტუმრებმა განაცხადეს, გრანტი უნდა გაიცეს იმ პირებზე, რომლებიც მინიმუმ 2 წლის

განმავლობაში იმყოფებოდნენ საზღვარგარეთ და საქართველოში დაბრუნდნენ ბოლო ორი წლის განმავლობაში. გრანტის მაქსიმალური თანხა 3000 ევროა და იგი საწარმოო საშუალებების შექმნას უნდა მიხმარდეს.

ცნობისთვის: დანის ლტოლვილთა საბჭოს სათაო ოფისი კოპენჰაგენშია. ორგანიზაციას საქართველოს 40 რაიონში რამდენიმე ოფისი აქვს და ერთდროულად რამდენიმე მიმართულებით მუშაობს

# გაფხულის მხიარული ღღებები

ნინო ნიკოლაიშვილი



კიდევ ერთი სასწავლო წელი მიითვალა სასკოლო ცხოვრებამ და მომავალი სასწავლო წლის სტარტის მოლოდინში მიწმინდად დროებით. თუმცა ოზურგეთის №5 (ანასულის) საჯარო სკოლის კედლებს კვლავ ახშიანებდა ბავშვების ფრიალი. აქაურ მოსწავლეებთან ერთად, ხალისიანი, შემეცნებითი, საინტერესო ორი კვირა გაატარეს ქ. ბათუმის, ოზურგეთის №2, ნარუჯის საჯარო სკოლათა მოსწავლეებმა.

პროექტი სახელწოდებით „ზაფხულის სკოლა“, რომლითაც ეს მშვენიერი ღონისძიება ჩატარდა, №5 საჯარო სკოლის დირექტორის მოადგილე ქეთევან ქაღვიშვილმა შეადგინა. იგი დააფინანსა ფონდმა „პარმონიამ“. კონსულტანტი და შუამავალი ორგანიზაცია გახლდათ ოზურგეთის ახალგაზრდული რესურსცენტრი. ასევე საინტერესო იყო თანამშრომლობის შედეგად მონაწილეობა პროექტში.

ერთმანეთს ენაცვლებოდა სკოლაში ჩატარებული შეხვედრები-გასართობ-სპორტული ღონისძიებანი. მოსწავლეთა სამოქალაქო განათლებაზე მასწავლებლებმა ღილი მენაბდე თეატრალიზებული ღონისძიება ჩატარა; შეხვედრები საინტერესო, ცნობილ ადამიანებთან, დარგის სპეციალისტებთან. პროფესორი ზაურ გაბრინიძე ბავშვებს მსოფლიო გლობალიზაციის პრობლემებსა და ამ პრობლემების ფონზე ჩვენი ქვეყ-

ნის მდგომარეობაზე ესაუბრა. ექიმმა მერი ჩხაიძემ ნარკოლოგიასა და წამლადამოკიდებული ადამიანის პრობლემებზე ჩაატარა ლექცია. ასოციურებულმა დოქტორმა ქეთევან ჩიკაშვილმა ბიოლოგიური საკითხებით დაინტერესდა ბავშვები. მსახიობმა ბელა კეკელიძემ ლიტერატურული შეხვედრაში მიიღო მონაწილეობა. კულტურისა და დასვენების პარკის დირექტორმა ავთანდილ სირბილაშვილმა მხიარული სტარტების მონაწილეები გახადა ისინი. ამ პერიოდში სამი ექსკურსიანი მონაწილე აჭარა, სამეგრელო, იმერეთი. ლაშქრობა მოაწვევს ღიზსურის ციხეზე, დათვალდირეს ღიზსურის ღვთისმშობლის სახელობის ეკლესია, წმინდა ექვთიმე ღვთისკაცის სახელობის მუზეუმი. ღონისძიების ბოლოს, პრეზენტაციაზე, ქეთევან ქაღვიშვილმა შემაჯამებელი ინფორმაცია წარმოუდგინა მოწვეულ სტუმრებს, რომელთა შორისაც ბავშვების მოთხოვნით იმყოფებოდნენ ოზურგეთის სახელმწიფო თეატრის მმართველი ზაზა ჯინჭარაძე და მსახიობები. მონაწილე და გამარჯვებული ბავშვები სპეციალური სერტიფიკატებითა და სიგელებით დააჯილდოეს სხვადასხვა ნომინაციაში. რომლის დამზადებაში მათ დაეხმარა ოზურგეთის განათლების პროფკავშირის თავმჯდომარე როზა გოგუაძე. ბავშვებმა მადლობა გადაუხადეს ამ ღამაში დღეებისათვის პროექტის ხელმძღვანელს, ქეთინო მასწავლებელს, სამოქალაქო განათლების მასწავლებელს ღილი მენაბდეს; სკოლაში კარგი პირობების შექმნისა და თანადგომისათვის სკოლის დირექტორს მერი საბაშვილს. ყველა სტუმარს, რომლებმაც საინტერესო დღეების თანამონაწილე გახადა ისინი.

ღონისძიების მნიშვნელობაზე ისაუბრეს: მერი საბაშვილმა; მასწავლებლებმა ეთერ აბაშიძემ, ზაზა ჯინჭარაძემ, ნარუჯის საჯარო სკოლის დირექტორმა მუდრა თბილაძემ, ავთანდილ სირბილაშვილმა.

— ერთია, როგორ დავწერ და წარმოადგენ პროექტს, მეორეა როგორ განახორციელებ მას — აღნიშნა ახალგაზრდული რესურსცენტრის წარმომადგენელმა, თამარ ღიზსურმა, რომელმაც განხორციელებული მუშაობა კარგად შეაფასა და მორიგი წარმატებები უსურვა პროექტის მონაწილეებს.

# გამოფენა ღია ცის ქვეშ



ოზურგეთის მუნიციპალიტეტის სამხატვრო სკოლამ სასწავლო წლის ბოლოს კიდევ ერთი გამოფენა მოაწყო. ამჯერად მოსწავლეებმა „ჭადრების ბაღში“ ღია ცის ქვეშ მოაწვევს გამოფენა და 20 ბავშვის 25 ნამუშევარი წარმოადგინეს.

სამხატვრო სკოლამ უკვე ტრადიციად აქცია, რომ წლის ბოლოს საზაფხული პრაქტიკულს თემების მიხედვით აწყოფენ. ამჯერად გამოფენის თემა „ჩემი ქალაქი“ იყო.

სასწავლო წლის დასრულებას დაემთხვა იმ პროექტის დასრულებაც, რომლის ფარგლებში 5 თვის მანძილზე ჩემი კამილა სირტიანა სკოლის მოსწავლეებს დეკორატიული

გამოყენებითი ხელოვნების დარგში ევროპულ გამოცდილებას უზიარებდა. ამ პროექტს სტუდენტურ-ახალგაზრდული სათათბირო ახორციელებს.

— უღრმესი მადლობა მოხალისე კამილა სირტიანას ჩვენთან გაწეული მუშაობისათვის, ასევე მადლობას ვუხდით სტუდენტურ-ახალგაზრდული სათათბიროს ხელმძღვანელს კახა ლომამეს ჩვენთან მრავალწლიანი თანამშრომლობისათვის. იგი სისტემატურად აგზავნის სკოლაში სხვადასხვა პროექტით მოხალისეებს. ასევე ჩვენი მოსწავლეებიც მონაწილეობენ მათ პროექტებში“— გვითხრეს სამხატვრო სკოლაში.

# გიორგი ბუხრიკიძე II ადგილზე



საქართველოს უნივერსიტეტში დიპლომი ოზურგეთის სასპორტო სკოლის აღზრდილი, ბათუმის სახელმწიფო უნივერსიტეტის III კურსის სტუდენტი გიორგი ბუხრიკიძე გამოდიოდა. გიორგი 60 კგ. წონით კატეგორიაში ასპარეზობდა და მხოლოდ ფინალური ორთაბრძოლა დათმო და II ადგილი დაიკავა. (მწვრთნელი გონა ბურჭულაძე).

# მადლობა მაშველებს

ღვთის შეწვევითა და მამიკოს მეგობრების უანგარო დახმარებით წყლის უზრამაზარი მილი უნდა აღმართულიყო ჩვენს ეზოში, რაც ძალიან გაჭირდა. რომ არა სამაშველო სამსახურის (ჯგუფის უფროსი

ა. ვაშალომიძე) ძლიერი და კეთილი ბიჭები, ვერ შევძლებდით. მადლობა მათ უანგარო ერთგულებისათვის.

**გიორგი, ლუკა და იონანე კონტარიძეები.**



# თამაზ სალუქვაძის ხსოვნას

## უნიკალურად სრულყოფილი პიროვნება

კიდევ ერთი აუნაზღაურებელი დანაკლისი განიცადა ოზურგეთის რაიონის, გურიის მხარისა და სრულიად საქართველოს ინტელიგენციამ. 81 წლის ასაკში გარდაიცვალა ცნობილი ჟურნალისტი, წარმატებული საზოგადოებრივ-პოლიტიკური მოღვაწე, მრავალმხრივი შემოქმედებითი ნიჭით დაჯილდოებული პიროვნება, ბატონი თამაზ ივანესძე სალუქვაძე.

მართლაც რომ საყურადღებო და მნიშვნელოვანია აქტიური და ღრმამხიარისანი ცხოვრებისეული გზა, რომელიც ბატონმა თამაზმა გაიარა.

დაიბადა იგი 1930 წლის 21 აგვისტოს, ქ. ოზურგეთში, იმ დროს ერთ-ერთი გამორჩეული პედაგოგისა და მხატვრული სიტყვის ოსტატის, ივანე სალუქვაძის ოჯახში, სადაც გენეტიკურად თანდაყოლილ ნიჭთან ერთად, ბავშვობიდანვე ეზიარა შრომისმოყვარეობას, მორალურ-ზნეობრივ სიწმინდეს, ეროვნულ პატრიოტიზმსა და უნიკალურ ქართულ ლიტერატურას.

ამიტომაც იყო, რომ 1949 წელს, ქ. ოზურგეთის №1 საშუალო სკოლის ვერცხლის მედალზე დამთავრების შემდეგ, მან სწავლა გააგრძელა თბილისის სახელმწიფო უნივერსიტეტის ფილოლოგიის ფაკულტეტის ჟურნალისტიკის განყოფილებაზე და ერთგვარ სიმბოლურადც უნდა ჩათვალოს, რომ მისი თანაკურსელები, პირველნი იყვნენ ქართული პრესის ისტორიაში, პროფესიონალი ჟურნალისტები რომ გახდნენ.

1954 წელს, ბატონმა თამაზმა მუშაობა დაიწყო ოზურგეთის (მაშინდელი-მასხარაძის) რაიონული გაზეთის „ლენინის დროშის“ რედაქციაში ჯერ ლიტმუშაკად, შემდეგ კი, სოფლის მეურნეობის განყოფილების გამგედ. სათანადო ორგანოების ცხადია, ყურადღების გარეშე არ დარჩენიათ უნივერსიტეტი ახალგაზრდა კადრის მრავალმხრივი შესაძლებლობები და იგი გადაიყვანეს რადიომაუწყებლობის, ტელევიზიისა და გაზეთ „ზარია ვოსტოკას“ საკუთად კორესპონდენტად გურიის რეგიონში.

აღნიშნულ პრესტიჟულ პოსტებზე წარმატებული მოღვაწეობის შემდეგ, იგი დაინიშნა ანასულის საკავშირო სამეცნიერო-საკვლევ ინსტიტუტში, გამომცემლობის გამგედ, შემდეგ კი მუშაობა განაგრძო ყაზბეგში რაიონულ გაზეთ „დარიალის“ რედაქტორად.

სავსებით ლოგიკურია, რომ თამაზ სალუქვაძე კვლავ მშობლიურ რაიონში დააბრუნეს, მაშინ მუშაობდა პრესტიჟულ თანამდებობაზე-პარტიის რაიონის საორგანიზაციო განყოფილების გამგედ და აირჩიეს ბიურის წევრად.

შემდგომში, ქვეყანაში დაწყებული პოლიტიკური ცვლილებების შესაბამისად, კვლავ დაუბრუნდა ჟურნალისტურ საქმიანობას და ჩაიბარა ყოფილი „ლენინის დროშის“, შემდეგ კი უკვე „ალიონის“ რედაქტორის საპასუხისმგებლო პოსტი. სხვათა შორის, აღსანიშნავია ისიც, რომ გაზეთის ამ ახალი სახელწოდების ავტორი თავად ბატონი თამაზი გახლდათ.

მაღალორგანიზებულ საქმიანობასთან ერთად, თამაზ სალუქვაძე, მართლაც სამაგალითო იყო ცხოვრების ნებისმიერ სფეროსა თუ დარგში. გამოირჩეოდა როგორც საუბრით სულის უპატიონსეი ადამიანი, კეთილშობილი და მიმტევებელი პიროვნება, ერთგული მეგობრობა ჰქონდა კოლეგებთან,



ამხანაგებთან, თანამშრომლებთან... გადაუჭარბებლად შეიძლება ითქვას, რომ მთელი ცხოვრების მანძილზე ქრისტესეული ათივე მცნების ერთგული აღმსრულებელი ბრძანდებოდა.

ცალკე უნდა აღინიშნოს თამაზ სალუქვაძის, როგორც მწერლისა და მხატვრული სიტყვის დიდოსტატის საქმიანობის თაობაზე. წერდა ლექსებს, თეორიულ მოთხრობებს, გამოირჩეოდა ჯანსაღი იუმორით. ადვილად ახერხებდა შექმნილი სიტუაციის შესაბამისად უცბათვე შეექმნა კაფიები, ნაკვესები, შაირები... რომლებიც ჩვენს საზოგადოებაში ფართოდაა გავრცელებული ცოცხალი ანეკდოტების სახით. გამოცემული ჰქონდა რამდენიმე მაღალმხატვრული წიგნი.

ერთი სიტყვით, იყო კაცი, რომლისთვისაც ხალხისა და ქვეყნისათვის ზრუნვა-სამსახური უპირველეს ამოცანას წარმოადგენდა.

სახელმწიფოსა და საზოგადოებისათვის გაწეული ღვაწლისათვის თამაზ სალუქვაძე ღირსების ორდენით იყო დაჯილდოებული.

ბატონი თამაზის ასეთ მრავალმხრივ და მაღალფუნქციურ საქმიანობაში. როგორც იტყვიან, „ლომის წილი“ შეჰქონდა მის მეუღლეს, ქალბატონ ესმას, რომელიც ქართული ტრადიციების შესაბამისად, ძირითადად თავად ავგარებდა ოჯახურ პრობლემებს და ამით საშუალებას აძლევდა ამაყად მხრებამოიღოს ევლო მრავალდარგოვან პრესტიჟულ სამსახურებზე ასპარეზზე.

...და აი, უმკაცრესმა. დაუნდობელმა წუთისოფელმა კიდევ ერთხელ მოგაყენა უმძიმესი ტკივილი. მაგრამ, ჩვენ მის ახლობლებს და თავგანმცემლებს, ნუგეშად ის დაგვრჩენია, რომ თამაზ სალუქვაძის სახით ზეციურ საქართველოს შემემატა კიდევ ერთი დიდი ქართველი და მტკიცედ ვართ დარწმუნებული, რომ იგი ედემის ბინადარი იქნება.

მეგობრების სახელით, **როლანდ თაგაძე,** ვეტერანი ჟურნალისტი

## კურთხეული მენაკირე

„დავუბარებ ყველა ქართველს მისი წმინდა ვალი არის, მოკვდეს, მაგრამ მკერდით შეკრას დერბენი და დარიალი.“

**ირაკლი აბაშიძე**

შუა საუკუნეების საქართველოს გარს მენაპირეები ერტყენ, რომლებიც ძილფიზიკურად იღვწოდნენ და საგარეო მტერთა მცირედენ მანევრებსაც კი არ ტოვებდნენ უყურადღებოდ. ერთ-ერთი სამენაპირე ცენტრი ფანასკეტი გახლდათ, სადაც ფანასკეტელი მენაპირე მბრძანებლობდა, მეორე-გაგი (გაგელი მენაპირის სამკვიდრო) და ა.შ.

ღრთა ცვლილებამ მენაპირეობის ინსტიტუტიც გადაიფარა, მაგრამ მისი როლი ქვეყნის დაცვაში მაინც წარუმტვლილი დარჩა.

ახალ ხანაში მენაპირეთა ამოცანები ბრწყინვალედ ჰქონდა შეცნობილი საქართველოს ჩრდილოეთის საზღვართან მოღვაწე მწერალსა და ჟურნალისტს თამაზ სალუქვაძეს, რომელიც არწივის მხერით დასტრიალებდა თავს დარიალსა და ყიზლარს.

მისი ღვაწლი ამ მხრივ დიდი და დასაფასებელია. მოგვიანებით მისი მაღალი გონიერების მადლი შუა გურიასაც ფართოდ გადაწვდა. წლების განმავლობაში იგი დიდი წარმატებით უძღვებოდა ოზურგეთის სარაიონო

გაზეთ „ალიონს.“ ადვილი როდი გახლდათ დიდი წინამორბედის, ბატონ აფთონ გურგენიძის მემკვიდრეობის ღირსეული გაძღოლა, მაგრამ ბატონმა თამაზმა, თავის უზადო ნიჭის წყალობით, ეს მისია ბრწყინვალედ შეასრულა.

თამაზ სალუქვაძემ ჩინებულად განაგრძო და აამძღლა ის პოეტური ტრადიციებიც, რომელიც მარად კეთილად მოსაგონარმა მისმა მამამ, ვანო სერულმა დანერგა თავის დროზე.

იყო შესანიშნავი სატირიკოსიც. ბატონი თამაზის საამო ჩანაწერებს არასდროს გაუვით ყავლი და ყოველთვის გაახალისებენ მის მკითხველებს.

დიდი ეპოქის ღირსეული შვილი მთელი მისი ხანგრძლივი სიცოცხლის განმავლობაში საზოგადოებრივი ცხოვრების შუაგულში ტრიალებდა და დიდი ნიჭიერებით აწესრიგებდა მის წინაშე დასმულ ურთულეს საკითხებსაც კი. ნოდარ დუმბაძის, ვიზო ნიშნანიძის, შოთა ჩანტლაძის, მუხრან მაჭავარიანის, ზაურ ბოლქვაძისა და მრავალ სხვა წარჩინებულ მესიტყვეთა თაობის ბრწყინვალე წარმომადგენელისა და შესანიშნავი მამულიშვილის ხსოვნას ღრთა ცვალებადობა და ჭირვეულობა ვერაფერს დააკლებს და სახელოვან შემოქმედსა და მენაპირესაც ყოველთვის გამოირჩეულ პატივს მიაგებს.

**იური სინარულიძე,** პროფესორი.

## ჩემო თამაზ!

მოუხედავად შენი და ჩემი ასაკისა, ძალიან მიჭირს შენზე წარსულ დროში ვისაუბრო, მაგრამ სამწუხაროდ სხვა გზა არაა, რადგან შენ უკვე შეუერთდი მარადისობას.

ჩვენი მეგობრული ურთიერთობა 65 წელიწადზე მეტს ითვლის და ალბათ ადვილი წარმოსადგენია ამ ხნის მანძილზე რამდენი ტკივილი თუ მწარე მოსაგონარი გვაქვს.

ჩემი ღრმა რწმენით, ყოველი ადამიანის სიკვდილის შემდეგ რჩება მხოლოდ მისი სახელი-კაი კაცზე ამბობენ-კაც კარგი კაცი იყავი, იქ კი ღმერთმა ნათელში გამოგიფოსო, ხოლო ცუდი კაცის სულს ვოჯოჯოხეთში გზავნიან. შენდა სასახელოდ უნდა ითქვას, რომ შენი ცხოვრება პატიოსნებასა და სისპეტაკეში გალიე, ალბათ იმიტომ, რომ ჩვენს რაიონში ცნობილ უპატიონსეს ოჯახში დაიბადე და გაიზარდე.

მამა-ვანო სერული, ცნობილი პედაგოგი და პოეტი; დედა-ნადეჟდა ფილიპოვნა (ასე იმტომ ეძახდნენ, რომ რუსული ენის პედაგოგი გახლდათ);

და-დალი, უცხო ენების სპეციალისტი, პედაგოგი; მამა-ლევანი, ინჟინერ-მშენებელი; მეუღლე-ქალბატონი ესმა, ჟურნალისტი; შვილი მაიკო და შვილიშვილი თაზო, რომლებმაც შენი ხანდაზმულობისას უდიდესი პატივი მიგავეს.

ჩვენს რაიონში შენი მოღვაწეობა მაშინდელი საზოგადოებისათვის კარგადაა ცნობილი. აი, მოკლედ იმ თანამდებობათა ჩამონათვალი, რომელიც შენ სხვადასხვა დროს გეკავა:

რესპუბლიკური გაზეთ „ზარია ვოსტოკას“ სპეციალური კორესპონდენტი დასავლეთ საქართველოს 7 რაიონში; ჟურნალ „ნანავის“ სპეციალური კორესპონდენტი გურიის რეგიონში; პარტიის მასხარაძის რაიონის საორგანიზაციო განყოფილების გამგე, ბიუროს წევრი (ეს განყოფილება არჩეულ კადრებს ხელმძღვანელ თანამდებობებზე დასანიშნავად); და ბოლოს გაზეთების „დარიალის“, „ლენინის დროშის“, და „ალიონის“ რედაქტორი. სხვა ვინმეს ამ თანამდებობებზე მატერიალური კეთილდღეობის მოწოდება შეეძლო, მაგრამ შენ არასდროს წასულხარ ამხე, იმიტომ, რომ შენთვის კაცობა, პატიოსნება, შენი საქმის სიყვარული და პრესტიჟი უფრო ძვირფასი იყო, ვიდრე ფული, და ასე ფიქრობს ალბათ ყველა ოზურგეთელი, ვინც შენ და შენს ოჯახს იცნობდა.

ბარაკალა შენს პატიოსნებას და კაცობას. გემშვიდობება შენი თითო-ორილა შემორჩენილი მეგობარი. მომავალ შესვედრამდე ჩემო მამა, ალბათ სამოთხეში.

**არსენ კიჭაყვიანი.**

კოლოგიური მეცნიერებათა აკადემიის წევრი

ოზურგეთის მუნიციპალიტეტის საკრებულო და გამგეობა ღრმა მწუხარებით იუწყება დამსახურებული ჟურნალისტის, ღირსების ორდენის კავალერის, გაზეთ „ალიონის“ ყოფილი რედაქტორის **თამაზ სალუქვაძის** გარდაცვალებას და თანაუგრძნობს განსვენებულის ოჯახს.

გაზეთ „ალიონის“ რედაქცია იუწყება გაზეთის ყოფილი რედაქტორის **თამაზ ივანეს ძე სალუქვაძის** გარდაცვალებას და თანაუგრძნობს განსვენებულის ოჯახს.

ჩაისა და სუბტროპიკულ კულტურათა სამეცნიერო-კვლევითი ინსტიტუტის კოლექტივი იუწყება ყოფილი თანამშრომლის, დამსახურებული ჟურნალისტის **თამაზ სალუქვაძის** გარდაცვალებას და თანაუგრძნობს განსვენებულის ოჯახს.

ოზურგეთის სახელმწიფო თეატრი გულიწკვივლით იუწყება, რომ გარდაიცვალა ჩვენი მეგობარი, დიდებული პიროვნება **თამაზ სალუქვაძე** და უსამძიმრებს მის ოჯახს.

საქართველოს ჟურნალისტთა შემოქმედებითი კავშირის გურიის ორგანიზაცია იუწყება ცნობილი ჟურნალისტის და პუბლიცისტის **თამაზ სალუქვაძის** გარდაცვალებას და თანაუგრძნობს განსვენებულის ოჯახს.

## ბია სარჯველაძის მოგონება



მეშვიდედ მოდის უბედური დედისთვის შენი გარდაცვალების დღე - 12 ივლისი. ამ მოგონებას შენთან ვატან მონატრებას, სიყვარულს, ამბორს და ცრემლიანი თვალებით გითვლი: - ძაფი ჩვენი დღეაშეულობისა არ გაწყდება. შენ მუდამ ჩემთან ხარ, ვერ გეხე-ბი, მაგრამ მუდამ ვგრძნობ ჩვენ ტკივილიან ურთიერთობას, შენს ღიძილს. მუდამ მესმის შენი საყვარელი ხმა „ენა“.

პატიებას ვთხოვ უფალს, სულ გვკითხები, რატომ წამართვი? შეილმკვდარ დედას სიცოცხლე მომიხაჯე და გაუსაძლისი ტკივილი დამიტოვე.

მე ვამაყობ შენით, კაცური კაცის სახელი დატოვე. სანამ ვარ ამ ქვეყნად, მწარე ფიქრებთან, დრო ვერასოდეს გაანელებს უშნობის მწარე ტკივილს.

საუკეთესო მეუღლე, შვილი, მამა და სამეგობრო კაცი იყავი. ზღვა ცრემლი - შენი მოგონება სიყვარულით, სინანული შენს კარგ კაცურ-კაცობაზე, დიდ ადამიანობაზე, დიდსულოვნობაზე მეტყველებს. 48 წელი იყავი ჩვენი, ვერ გაუქმლავდი სამინელ სენს, მაპატიე რომ ვერ დაგეხმარე. სასწაულები არ ხდება თორემ ჩემს დარჩენილ წლებს სინარულით გაჩუქებდი შვილი.

ორი წელი იცოდი სამინელი, მოუჩინებელი სენი რომ ვჭირდა და ყველას ეხვეწებოდი თურმე დედა არ გაეფოსო, როგორ გეცოდებოდი, და თავად გულით ამხელა ტკივილს ატარებდი.

მოვა დრო, გამოგვეცხადო, მოგვეფერებო და შენთან ყოფნით მწარე ფიქრებს საზღვარად დავემშვიდობები. უფალს ვთხოვ, ისმინოს დედის ვედრება, და ნათელში მიმყოფოს შენი ღამაში ტანჯული სული.

დღეა **იჭო ქარჩილაძე**